

Gvangjsih Minzcuz Bau

ganbhau: CN45-0036 B.2014 Nd.6 Ng.4 liggaueq gyapngux nienz ndwenngux cocaet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3126期

Gyanghcouh Gih Gawjbanh Saw- cuengh Gihcuji Cihsiz Beizyinbanh

江州区举办壮语文基础知识培训班

5 nyied 23 hauh, Cungzcoj Si Gyanghcouh Gih gawjbanh 2014 nienz Sawcuengh Gihcuji Cihsiz Beizyinbanh, ndaw gih neix gyoengq lingjdaui ganbu ndaw minzcuzgiz, minzyijban, doenghboux lauxhangz Sawcuengh ndaw gyauiyuz hidungj, fulenz, doenghboux canghfwen ndaw Gyanghcouh Gih Canghfwen Hezvei, gungh 25 boux camgya beizyin.

Gyanghcouh Gih Minzcuzgiz, Minzyijban caeuq Gyauiyuzgiz doengz-caez gawjbanh baez beizyinbanh neix. It dwg hag nem hengzguh gij vwnzgen cingsaenz 《Aen Duhgcih Gvendaengz Swcigih Minzyijveij Guh Ndei Hong 2014 Nienz Sawqdiemj Gauj Vahcuengh Sawcuengh》, hawj doenghboux yaek camgya gaujsi de guh ndei hong bwh gauj. Ngeih dwg fat

《Vahcuengh Sawcuengh Suijbingz Gaujsi Yingsi Cijnanz》daengj swlhliu, comz gyoengq yozyenz hag singmeh, yinhmeh, singdiuh daengj gij gihcuji cihsiz Vahcuengh Sawcuengh. Sam dwg gyoengq yozyenz gangj baenz-lawz guh ndei baez hong sawqdiemj neix. Ndaw doz dwg beizyinbanh yienhcieingz.

(Se Naijyiz/谢乃日)



SIUSIK DINJ

简讯

● 5 nyied 28 hauh, Yungzsuij Myauzcuz Swciyen Cwnghaz, Dungjcanbu, Fulenz daengj comz 10 lai boux “daxmeh simgyaez” daengz Yungzsuij Cin Beilinz Siujyoz gaihcanj “roek it” gyaenz “lwgnyez gungzhoj louz mbanj” haeui hagdangz hozdung, soengq saw, dangauh hawj gyoengqde, caeuq gyoengqde guhcaemz, angqcoux ciet “roek it”.

(Vangz Cungh)

● 6 nyied 1 hauh, Lungz-swngh Gak Cuz Swciyen gawj-hengz youq diegbya gwih danci doxdax, gij roen doxdax raez 15 goengleix, neix yinx le 200 lai bouxdoxdax daj rog guek, ndaw guek daeui camgya.

(Veiz Gizyangz Yungz Veih)

● 5 nyied 29 hauh, Nanzningz Si Funlingjibwz Segih Ranzminzcuz comz gyoengq saujsu minzcuz ndaw segih banh lenzyiz hozdung. Gij hozdung neix hawj gak cuz ginzcong doxlienx doxndei, hawj ndaw segih gak minzcuz doxgiet caemhyouq.

(Cinghsiu Minzcuzgiz)

● 5 nyied 28 daengz 29 hauh, Dava Yauzcuz Swciyen Bwzgingj Yangh gyoengq lingj-dauj faenbied haeui gak aen siujyoz, soengq doenghyienh nem cienx hawj doenghboux lwgnyez louz mbanj, daezgonq caeuq gyoengqde gvaq “roek it”.

(Cinz Gingbungz)

● 5 nyied 29 hauh, Lozcwnghz Mulaujcu Swciyen Fuzbinzban ngaisau naeuz, bineix, aen yienh neix leihyung 20 fanh maenz cienmonz fuzbinz de, fat “moulwg fuzbinz” hawj doenghboux Mulaujcu gungzhoj de, hawj gyoengqde lai gaenx ciengx moux, engq vaiq baenzfouq. Dangqnaj, gaenq soengq 344 duz moulwg hawj 86 hoh ranzhoj.

(Mungz Cwnghsw)

Dunghlanz: 28 Diuz Roen Doeng Mbanj Hawj 6 Fanh Saujsu Minzcuz Souh'ik

东兰:28条通村路让6万少数民族受益

5 nyied 26 daengz 27 hauh, Dunghlanz Yen niemhsou 28 diuz roensuijniz, gij roen neix dwg 2013 nienz laebhangh. Ginggvaq bingzsaemj, gij gunghcwnghz neix cungj doenggvaq niemhsou.

Ciuq cam rox, aen yienh neix 2013 nienz roen doeng mbanj hanghmoeg gungh gensez 28 diuz 111.84 goengleix, faenboux youq daengx yienh 14 aen yanghcin, guh doh 29 aen cunh. Gij roen neix cungj ciuq seiq gaep goengloh byauhcuinj dajveh anbaiz, giekdaej gvangq 6.5 mij, najloh gvangq 4.5 mij, suiijniz na 20 lizmij, gungh roengzngaenz 6156 fanh maenz, gyawj 6 fanh saujsu minzcuz souh'ik. Gij roen neix ndaej yung 1e, couh caezcienz gij roen lajmbanj aen yienh neix, gajndeij ginzcong swnghcanj swnghhoz diuzgen, doiq nungzminz laisou miz cozyung gig hung.

(Veiz Canghyoz/韦昌学)

Yungzanh: Beixnuengx Myauzcuz Dauq Mbanj Hai Fanden Baenzfouq

融安:返乡苗胞开农庄致富

Daj bineix daeui, Yungzanh Yen Dangzcai Cunh aen fanden heuguh “Daswnh Nungzcangh” de moix daengz couhmoz bingzyaenz moix ngoenz ciep hek 100 lai vunzbaez, souhaeui daihgaiq 1000 lai maenz; aen fanden neix dwg ndaw cunh doiq gvanbaz Liu Fuzyinz nem Cinz Yinygyauh neix hai, songde dwg doenghboux Myauzcuz dajgoeng dauq mbanj.

2012 nienz daej, Liu Fuzyinz ciq daigvanj 3 fanh maenz, youh ciq caencik baengzyoux 17 fanh maenz, gag comz 20 lai fanh maenz, gungh 40 lai fanh maenz, heij guh ranz fanden. Youq dajveh nem anbaiz seizde, dawz dangdieg gij minzcuz funghcingz, minzcuz sibgvenq noengzna de yungz haeuijbae. Gijneix dazyinx le vunzhek daeui neix ngonzyawj, gwn ngaiz.

(Veiz Cujswz/韦祖祠 Se Ming/谢明)